

**Semina muscorum detecta ... / publicae disputat. ... Petrus Jonas Bergius.**

**Contributors**

Bergius, Peter Jonas, 1730-1790.

Linné, Carl von, 1707-1778.

Uppsala universitet.

**Publication/Creation**

Upsaliae, 1750.

**Persistent URL**

<https://wellcomecollection.org/works/wvwf5x28>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

# SEMINA MUSCORUM

DETECTA,

SUFFRAGIO NOBILISS. MEDICORUM ORD.  
IN REG. ACAD. UPSAL.

PRÆSIDE

VIRO AMPLISSIMO

D. D. CAROLO LINNÆO,

S:Æ R:Æ M:TIS ARCHIATRO,

MED. ET BOT. PROFESS. REG. ET ORD.

AC. IMPER. MONSP. STOCKH. UPSAL. BEROL. SOC.

H. T. RECTORE MAGNIFICO.

PUBLICÆ DISPUTAT. IN AUD. CAROL. MAJ.  
D. XXV. APR. H. A. M. S. HABENDÆ COMM.

ALUMNUS REGIUS

PETRUS JONAS BERGIUS,

SMOLANDUS.



\*\*\*\*\*  
UPSALIÆ, MDCCCL.

*Vir Amplissime ac Celeberrime,*

**Dn. LAURENTI LIEDBECK,**

Mathemat. in Lyceo Carolino PROFESSOR  
Meritissime.

*Vir Admodum Reverende atque Praeclarissime,*

**Dn. PETRE ULMGREN,**

PASTOR in Angelstad, Liungby, & Kånnä, nec non  
adjacentis Districtus PRÆPOSITE Meritissime.

Ayunculi loca semper colende,

*Vir Admodum Reverende & Praeclarissime,*

**Dn. M. PETRE BERGVALD,**

Cœtus Divini in Rogberga & Yggestorp.  
PASTOR Vigilantissime.

*Vir Spectatæ dignitatis ac fidei,*

**Dn. CAROLE EDSTRÖM,**

Officinæ ferreæ ad Svartnäs Dalekarloram AD-  
MINISTRATOR Solertissime.

*Patroni &*

*Vir Amplissime & Spectatissime,*

**Dn. M. ERLANDE JUNBECK,**

Academiæ Carolinæ SECRETARIE Dignissime,

Affinis Exoptatissime.

*Vir Admodum Reverende & Praeclarissime,*

**Dn. M. ISRAËL ROGBERG,**

Ecclesiarum, quæ Dœo in Hwittaryd, Berga &

Dôrarp colliguntur, PASTOR Fidelissime,

Confangvinee Carissime.

*Vir Praeclarissime,*

**Dn. JOHANNES DRYSEN,**

Philosophiæ LECTOR in Vifingsö  
dexterrime.

*Vir Spectabilis,*

**Dn. ABRAHAME BERGI,**

Redituum Regiorum ad Sunnerbo PRÆFECTE

Fidelissime, Frater Dilectissime.

*Fautores Optimi.*

**Q**uum Musci, de quibus tota hæc disputatio agit, vilissima pars naturæ, & abortus, ne obtutu quidem hominum, nedium accuratiore animi perspicacia, digni vulgo habeantur, audacter fortasse, nec ex decori legibus, facere sumputandus, qui despectam & contemptissimam rem, Vobis, Patroni summi atque elegantiæ omnis Amatores, consecravi. Sed sciant, quicunque hoc mihi vitio vertunt, terram, qua magnificentius nihil, pretiosiusque nihil excogitari potest, miserrimi cujusque pedibus obtert & conculcari; aurum, quod tempore sitiunt mortales, sordido veluti carcere includi, suisque tandem purgamentis liberari; nihil denique tam humile naturam esse machinatam, quod non idem sit in confinio quodam bonorum & idcirco expetendum. Sed ut ego altiora omnia, & eminentiora semper fugi, ita illud nunc ut facerem, partim mea me naturæ indoles, partim Virium etiam mearum conscientia, compulit. Consentaneum enim videbatur, temue ingenium non nisi tenuem in rem conferre. At, siquidem non tam luculento munere, quam pia voluntate, delectamini, Patroni Humanissimi, futurum quoque spero, ut Vos, non munus, quod peregrinum est, sed animum dantis, longe devotissimum, attendatis. Futurus, dum vixero,

Nobilissim. Ampliss. Spectatiss.  
**NOMINUM VESTRORUM**

cliens submissus  
**PETRUS JONAS BERGIUS.**

# *Min H E R R E!*

Jorden hade knapt hunnit frambringa växterna ur sin sköte, då Månskeflägtet redan började lära känna de samma, och använda dem sig til nytta. En granlaga upmärksamhet på denna delen af de skapade tingens frambragte alt mer och mer de fördelar, hvilka Himmelens oss åmnat, och de der kunna göra de dödeliga i sin lefnad lyckliga. Vi böre anse GUDS werk med förundran, och betrakta Wåxt-Riket, såsom ej af en händelse tillkommet, utan, efter Skaparens förordnande, igenom sina små frön fortplantadt och utvidgadt. Sådan är alla Tråds, Örters och Jordväxters beskaffenhet. De almånt sedde, men dock för detta soga bekante *Mossar* äro af samma art, och årkänna en lika härkomst. De följa jämwäl Naturens Lagar, och tillåta, at wi likaledes skårfskåde dem till Skaparens åra och vår fördel. Aldrig äro tingens i Naturen så ringa, at de ej förtjäna frittig åsyn och många rön. Dereft de blifwa rått betraktade, blifwer mōdan icke olönt. Det allmånnas wål och enskild förkåring blir således ofta igenom nya upfinningar understödd. J, Min HERRE, hafwen med rätta walt et få wackert åmne, som witnar om den frukt wi ännu widare böre wánta af EDER Dygd och witterlek. EDRE Wänner kunna ej annat än fågna sig deraf; och ett blidt öde lärer icke underlåta at framdeles tildela EDER den belöning, hvilken flit och hårdom förtjenar. Med ständig wånskap lefver,

**Min H E R R E,**  
**E D E R.**

*Hörsamste tjänare*  
**CARL C. EDSTRÖM.**

*Politissimo Juveni,*  
Dissertationis hujus A U C T O R I,  
Populari & Amico in paucis dilecto.

Quemadmodum ea est conditio vitæ nostræ, ut honoris apex & fastigium sine assidua industria, vix aut ne vix quidem obtineri possit; ita illi præcipua decorandi erunt laude, qui vigiliis & lucubrationibus in id incumbunt, ut metam, quam sibi proposuere, feliciter attingant. In illorum numero si quisquam alius, Amice & Popularis Integerrime, Tu quoque collaudandus es, qui vilipendens omnia, quæ impedimento esse potuere, salebrosum illud honoris stadium alacriter decurrere cœpisti. Non est igitur, quod e longinquo arcessantur rationes, cur felices ingenii Tuidotes studiorumque progressus haud exiguos, paucis congratuler, præsertim cum mihi Tecum, inde a tenella ætate, fida intercesserit amicitia. Opto Tibi fausta quævis, cedantque cœpta Tua in Dei gloriam Tuum Tuorumque gaudium & emolumen-tum, & ita cedant, ut votis nostris cumulatissime esse satisfactum tandem lætemur.

GABRIEL WICKENBERG.



I. N. 3.

§. I.



## Atura admirabile summi

Conditoris opus, tam artificiosa serie nexa est atque constructa, ut quo quis melius subtilissimi ordinis constantiam perspiciat, eo ~~longius~~ <sup>propius</sup> a sapientiae adytis abesse, jure meritoque existimetur. Quot ille quæsto rerum continuationes videt,

quasi lege quadam, & necessitate naturæ, aptissime connexarum? Quot ille diligenter observata, & longo rerum usu inventa, experiendo cognoscit & colligit? quæ tamen omnia adeo sibi non repugnant, ut potius inter se similitudine quadam & connexione contineantur, quod ipsum aliter esse nequit, si natura rerum constabit; nam nisi sibi ipsa esset consentiens, nisi ultima primis & mediis responderent, numne illico ipsa mole veluti sua rueret? Quid, quod nullo pacto formari, nedum confistere, potuerit, nisi tota compages, quadam veluti catena, suis esset articulis adstricta & colligata? Sed ut de cognitione pauca dieam, quam incipiendo a nobismetipfis, & progrediendo ad

A

alia

## SEMINA MUSCORUM.

alia magis abstrusa, multa rerum varietate edocti, acquirimus, sciendum in universum est, quanto res quæque nobilior, & a contemtu elegantiorum hominum remotior, tanto majori in luce a doctissimo quoque est collocata, quarum vero infima conditio est rerum, eas perpetuis veluti tenebris damnatas, diutissime latere & ignorari. Quum vero ab eodem summo Opifice sint profecta, quid est, quod hæc perinde ac illa curiosis Iustrari oculis vetet? Quasi vero Leo, Rex animalium, majori constitit supremo rerum Conditori, quam humillimi loci Talpa. At non eadem utriusque curæ est utilitas, nec nobis certe quarumvis rerum peritia eadem opera constat. Ad magnorum animalium scientiam, experientia duce, multi pervenerunt, in minoribus animantibus diu subsistente eorum industria & hærente. Idem accedit herbarum studiosis. Majoribus in plantis, omnia acu propemodum tangere nobis videmur, ut caulem, ut folia, ut florem, ut fructum; Muscis vero & Algis simplicissimis, oculis subjectis, per se Caulem & Folia, Florem & Fructum distingvere vix valemus.

### §. II.

Longi temporis usu & experientia addidicerunt herbarum periti, id quod in vulgus hodie increbuit, omnes nempe plantas, suis gaudere seminibus; semperque flores antecedere semina. Argumenta vero, sententiaz huic hucusque opposita, veritatem dicti infirmatura, præcipue duo sunt, eoque redeunt: ut *Fruitus sine floribus*; & *Flores sine fructu*, dari contendant. Quod utrumque adassertioni nostræ aperte adversatur. Sed ab oppugnationibus dissentientium facile nos vindicamus, cum non modo rarius hujusmodi sint exempla a Botanicis repetita, verum etiam sufficienti ratione, in illa subtilitate, destituta.

### §. III.

## §. III.

Sed, age, videamus, qua veri specie nixa eorum sit opinio, qui secus sentiant. Nimirum quod FRUCTUS SINE FLORIBUS detur, id sequentibus exemplis demonstrare voluerunt. Videlicet collecta sunt illa ex Ficu, Anandria, Ruellia, Pentagonia, Volubili, Violis, Malo.

FICUS. Veteres vulgo in ea versati sunt opinione, Ficum solam esse arborem, floribus non gaudem. Sed quod multos habeat flores, illosque fructus inclusos, detexit *Cordus*, solide demonstravit *Nissolius* & præcipue D. *Hegardt* in *Diss. de Ficu. Ups. 1744.* Nihil ergo aliud desideratur, quam ut Calyx sive Receptaculum commune Ficus, nunc coarctatum, expandetur, sicuti in Flore *Dorsteniae* habemus, quod si fieret, æque distincte flores Ficus, ac Dorsteniae, videremus.

TUSSILAGO ANANDRIA dicta. *Hort. Ups. 259.* Hæcce plerumque calyce instructa est coniente & clauso, floribusque destituta manifestis, nihilo tamen minus semina producit maturata; vid. *Tursen. Diss. de Anandria p. 9.* Quod vero latitant in fundo Calycis flosculi, perinde atque in Ficu; utque etjam eadem planta, climate calidiore, vel Tepidario affervata, florescit, & flores promit apertos atque explicatos, luculentissime liquet a Cel. PRÆSIDIS *Hort. Ups. cit. loc. Tab. III. f. 2.*

RUELLIA foliis petiolatis, pedunculis longis subdivisis nudis. *Hort. Ups. 179.* Hæc suo gaudet calyce, raro autem ita enata est Corolla, ut in oculos incurrat; nihilo tamen minus fructum tandem promit maturatum. Si autem Calyx examinetur, rudimentum Corollæ, in fundo illius, quasi exsiccatum, invenitur; & cum accurate aperitur, visui quatuor minimæ anthe-

## SEMINA MUSCORUM.

7  
ræ occurunt, quæ parvum secundant Pistillum. Videmus itaque hancce florescere, quamvis Corolla illud non manifestet.

CAMPANULA PENTAGONIA. Hort. Upi. p. 40. n. 3. Hanc ex crescentem, Calyces varios nancisci videmus; Corollam autem adesse, visu explorare non possumus, præsertim in primis floribus; tantum vero abest, ut eam ob causam sterilis sit, ut potius semina semper porrigat maturata, quum rudimenta Staminum & Pistillorum semet ostendant & in fundo Calycum minima latitent.

IPOMOEA foliis palmatis, floribus aggregatis. Fl. Zeyl. 79. VOLUBILIS Dillenii. In horto Academico observavimus, illam, per aliquot annos, sine flore, fructum tulisse; unusquisque enim pedunculus, capitulum suum, multis gaudens Calycibus, Corolla destitutis, protulit; cujus tamen rudimentum, aridum fere, in fundo calycis, repertum fuit, in cuiusque centro Antheræ & Stigmata latebant.

VIOLA floribus radicalibus corollatis abortientibus, caulinis apetalis seminiferis. Fl. Svec. 719. Hæcce primo vere, perfectos e radice producit flores, quæ tamen omnes abortiunt; postea autem, durante aestate, flores apetalos, sive Calyces Corolla carentes, cauli insidentes, protrudit, qui denique fructum maturatum ostendunt.

VIOLA montana, laciniato folio. Clus. hist. I. p. 309. Hæc quoque de fructu gloriari potest, quamvis ne rudimenta quidem Corollæ habeat, ut Ill. Eques de Rathgeb, Legatus Venetianus, Botanicus eximius, nuper ad Cel. PRÆSIDIEM rescripsit.

MALUS pomifera absque floribus descripta in dissertatione, Marpurgi 1727, ab Ill. Christ. Wolffio.

Hæc

Hæc fuere præcipua illa argumenta, quæ in medium protulere Botanici, Thesin illam, quod nempe, omnibus fructibus necessarium sit, suos antea habuisse flores, destruentia. Cum autem hæc omnia accurate ponderamus atque perpendimus, invenimus sane, quamvis Corolla in plerisque deliquescat, latere tamen in fundo floris antheras incorruptas, quæ polline suo stigmata beant. Et ea ratione fecundatur fructus.

## §. IV.

Quod FLORES ABSQUE FRUCTU, a) sive quod idem est, vegetabilia seminibus carentia, dentur, falso crediderunt nonnulli Auctores, utque plus roboris effato illorum accederet, minimas, magisque absconditas plantas Cryptogamiæ depromserunt, nempe *Filices*, *Muscos*, *Algæ* & *Fungos*.

FILICES ope seminum reviviscere, multis exemplis comprobatum est. Testantur hoc experimenta *Morisoni* in *hist. plant.* 3. p. 565. *Dillenii* in *hist. musc. præf.* p. 15.

FUNGOS etiam a seminibus excrescere, docent experimenta *Michelii* in *novis plantarum generibus* p. 136. Tab. 74 &c.

FUCI Flores Fructusque descriptis Illustris *Rena-  
tus Antonius Reaumur* in *act. Parisinis* a. 1711. p. 55 &  
282 Ibidem etiam a. 1712. p. 48. & Cel. PRÆSES in  
*itinere Vestrogothico* p. 168.

MUSCOS autem quod attinet, nullus mortalium eorum semina detegere potuit, sed intactos, in huncce usque diem reliquere Botanici omnes. Non parvam itaque me ab eruditis initurum gratiam spero, si occulta hæc & involuta aperire & in lucem proferre non dubitem.

## §. V.

a) *Tournefortius dixit has plantas Flore (non semine) carere, & alias & Flore & Fructu s. semine carere,*

## §. V

Per MUSCOS omnes illos intelligo, quos Cel. PRÆSES systemati suo Naturæ p. 143 inferuit: *Polytrichum, Bryum, Hypnum, Mnium, Porellam, Sphagnum, Fontinalem & Lycopodium*. Omnibus hisce vascula minima adesse videmus, quibus pulvis aliquis luteus inest; qui, flammæ candelæ inspersus, fulminat. Veterum animos opinio illa pervasit, farinam hancce, purum putum esse semen; sed Dillenius illam pollen esse maris asseruit, cui etiam sententiæ favit Cel. PRÆSES, cum in *Fl. Lappon.* n. 395 tum in *Generibus plantarum* p. m. 500. Incommodum autem, quod illis objicitur, omne inde est, quod omnia distincte videre non potuerunt.

DILLENIUS in appendice *Flor. Gissensis* p. 77. MUSCUM definivit, quod sit plantæ genus Semine prorsus carens, Floris vero loco, proferens Capitula, farinam floridam continentia, cuius beneficio, Folia extrema germinandi, & se propagandi facultatem acquirere videntur, cui eximie favent ramuli & folia perennantia atque humore quovis reviviscentia. Idem Ill. auctor in *Hist. musc.* introductione p. 14. dicit: *Mnii* capsulas pulverulentas nudas, feminini generis esse probabile est. *Lycopodioides* præter capsulas fariniferas, foemineas, per easdem spicas, interspersas habet - - - Farina, quam omnium capsulae difflant, oculo armato, similis appetat farinæ antherarum. Ob quam similitudinem probabilis videtur ea sententia, quæ eundem ipsis finem adscribit. Sed desunt semina fœminina quæ imprægnent. Præsto sunt Gemmo, in foliorum aliis, in multis *Hypni* speciebus, observabiles, ut in *Bistorta*, *Allio*, *Dentaria*, *Lilio*. Quidni extremitates ramorum vim procrescendi a dicto polline accipiant? - - - Neque tamen contendero, ex polline isto, ma- scu-

## SEMINA MUSCORUM.

8

sculam faciem referente, nullas enasci posse plantas ju-  
niiores. Hinc videmus, maximum nostrum Auctorem  
omnem movisse lapidem, ut veritatem pervestigaret,  
a qua etjam longe non aberat, cum illos flores fe-  
mineos accurate descripserit atque delineaverit, qui  
primum nobis semina Muscorum ostenderunt.

### §. VI.

Distinctum sexum in minimis Muscis inveniri,  
neminem fugere putarim, qui observavit *Polytrichum*,  
multaque *Brya*, partim capitulis, partim stellis gau-  
dere, *Mnium* contra duo diversa habere capitula, u-  
num nudum & pulverulentum, alterum membrana-  
ceum seu tectum. Hinc autem celebris aliquando sub-  
nata est quæstio; an farina illa quam *capitula* produ-  
cunt, purum & putum sit semen? Numne Musci ex  
hacce farina excrescere possent? Et numne *Stellæ*,  
quas in *Polytricho* oculis cernimus, subtilius semen e-  
dere possent? Alii autem, qui farinam, capitulis hisce  
inclusam, Pollen esse dictitavere, existimarunt, illud  
in Folia incidere, illaque secundare; quæ res, maxi-  
mum mihi scrupulum injectum, cum in tota reliqua na-  
tura analogum quoddam non invenerim.

*Needhamius* in observationibus suis microscopicis,  
nuper demonstravit, absolutumque nobis dedit Chara-  
cterem POLLINIS antherarum; quod nempe in ap-  
propriato liquore, seu aqua, diffiliat, & tenuiorem sub-  
tilioremque essentiam explodat, quæ certe illa est, un-  
de Pistilla fecundentur. Adeo ut omni pollini, mul-  
titudo materiæ, quasi in capsula quadam insit, quam  
efflat, & quæ ita subtilis est, ut oculis armatis cerni  
non dum potuerit distincte. Plerumque tamen liquo-  
rem illum tingit Pollen, in quo diffringitur. Novi-  
mus etiam, duce experientia quotidiana, omne Pol-  
len antherarum, cum flammæ candelæ intpergitur, ful-  
guro-

## SEMINA MUSCORUN.

*gurare*, e. gr. Semina (sic officinis dicta) Lycopodii, quæ tamen purum & putum sunt Pollen. Cum vero tota illa farina, quæ vasculis inest muscorum, supra flammarum demissa & dispersa fulguret & in aqua diffiliat, necessario sequitur illam esse Pollen antherarum, ita ut vascula & capitula hæcce, quæ omnibus Muscis insident, meræ sint antheræ.

Ergo musci neque Perianthium, neque Filamentum habent sed Antheram suam, quæ, in multis, operculo & Calyptra tecta est. Itaque Flores Masculos in Muscis clare videmus. Ubiunque autem Mas in specie quædam creata occurrit, ibi etiam femina existet, seu ubi genitura Maris adest, ibi nunquam formari potest fetus, nisi auxiliatrix accedit femina; Sequitur itaque, flores femineos Muscis etiam adesse debere, quos velis remisque, ut ajunt, indagare necessum habemus. Nam, quod Pollen antherarum folia fecundent, valde absconsum est existimare.

### §. VII.

FEMINEOS FLORES Muscorum distincte intuendi ergo, sumere debeimus *Lycopodium caule erecto dichotomo*. *Fl. Lappon. 420. Svec. 857*, quod semina, inter omnes Muscos Europæos, maxima gerit; & ideoque parcissime disseminantur. In axillis foliorum, Antheras sessiles, bivalves, polline foetas, in eodem ramo numerosissimas, reperimus, sed una cum illis, propagines quasdam prominentes etiam invenimus.

Dilleniūs has propagines *Tab. 56. Fig. 1. litt. b. i. k. l. m. n. o. p.* pulchre delineavit atque descripsit *p. 179. Observavi*, inquit, *per ramos, præsertim superiora versus, e foliorum alis, Corpuscula Cristata, crebra, rigida, e sex laciniis inæqualibus composita, lacinia superiore & exteriore majore, galeæ instar surrecta & concava, cui interius adnexæ erant quatuor brevidores late-*

## SEMINA MUSCORUM.

5

laterales, invicem æquales, capillaceæ, cum intermedia alia lacinia paullo latiore. In basi cohærent, & pediculo euidam insident, e quibus postea, (tenuioribus fatis) velut e calyce, præsertim in summitate Folia nascentur bracteata, saturanter viridia, obtusa, levissime convexo-concava, terna cohærentia, duobus exterius & uno interius locatis, quæ si e calyce eximantur, in basi leviter cohærent, & singula terna duas ligulas, unam exterius, unam interius, basi adnatam, monstrant. Plura non observavi, nec semina in his vel calycibus, vel foliis bracteatis invenire potui; suspicor autem Bræcas illas folia seminalia esse & novarum plantarum productioni inservire. Capsulæ reniformes, tum matræ erant, & in iisdem plantis, quibus corpora modo descripta inhærebant, nascebantur.

CHARACTEREM hunc in viva planta, brevioribus verbis, ita percepī. *Pedunculus* brevissimus, diphyllus. *CALYX* *Perianthium* *tetraphyllum*, foliolis lanceolatis, acuminatis, foliolo exteriore magis concavo, ceteris duplo majore; lateralibus æqualibus, minoribus. *STAMINA* nulla. *PISTILLI* loco in fundo floris, oculis armatis, observantur foliola quinque, visum fere fugientia, pellucida, quæ progressu temporis excrescunt in foliola majora tria lata, duo scilicet conniventia in formam pedis bovinæ, subjecto tertio angustiore, & in duo minima, tribus nominatis contraria. Hæc quinque foliola arcte conniventia & basi unita, tempore autumnali matura decidunt a calyce persistente, & novam plantam propagant, radiculas e basi exserentia.

Cave ne GEMMAM credas foliola hæc esse; numquam enim Gemma crescit in fundo Calycis loco fructus; nisi semen ex prægresso flore Gemmam dicere velis, sed abusive; ipsi enim *BULBILLI* in *Bistorta*

B

Flor.

## SEMINA MUSCORUM

Fl. Sv. 321. nascuntur loco floris, nec in aut ex flore. Cave ne pro RAMULI RUDIMENTO habeas semen Lycopodii nostri; cum in hac specie nunquam ramus nisi per dichotomiam prognascitur. Dein etiam nec ramus unquam nisi in proliferis e calyce exoritur; & si exoriretur, nunquam caderet e calyce tanquam maturum semen, quod utrumque heic obtinet. Attende quomodo Calyx explieatur, & in sua foliola diffecatur; quomodo tunc in fundo hærent Pistilli analogum, pellucidum & minimum; quomodo hoc minimum grandescit, virescit, maturescit, decidit, persistente calyce non majore; vel itaque hoc fructus erit, vel nulla certitudo Botanica. Has partes iconibus expressimus, ubi fig. 1. 2. Calyx naturali magnitudine, 3. magnitudine aucta, 4. idem Calyx antice inspectus 5. magnitudine aucta, 6. Semen nudum a latere superiore, 8. a latere inferiore 7. Semen aucta magnitudine supra, 9. infra visum.

Quod verus hic sit flos, isque semineus b), omnes videre crediderim, qui in contemplandis examinandiseque floribus, aliquid consumfere temporis; sed in Pistillo seu Germine, absconum nobis obvenit, quod statim primordium plantæ nudæ absque cotyledonibus, tunica, pericarpii rudimento, stylo & stigmate videamus, id quod in nullis aliis vegetabilibus observari potest; adeoque multi facile in falsam illam induci possent opinionem, memet dum calycem nominavi, primordium ramuli indicasse, e cuius centro foliola excrescerent; sed accuratus rerum observator facile apprehendet, Pistillum nobis dictum, ad quinque tandem excrescere foliola, a quibus duo illa exteriora minima, tria interiora majora sunt, inter quæ in fundo hæ-

b) Masculini flores seu Antheræ polliniferæ alis foliarum sparsi insident & solitarii, iisque copiosissimi.

hæret quasi *Plumula Malpighiana*. Tandem e calyce decidit hocce quod pistilli vices gessit, & radices agit. Si hoc longitudinaliter aperiatur, ne ullum quidem vestigium feminis interius reconditum videri potest. Hæc observatio non potest, quin occasionem, semina in Muscis querendi, curioso subministret. Sed antequam hoc, quicquid est lucis, in nobis suboriri possit, scire debemus, quid Semen sit.

## §. VIII.

Omnia animalia suis ovis, omnesque plantas *Semenibus* suis gaudere, veritas est, quam experientia omnes nunc temporis curiosos naturæ scrutatores edocuit. Quin ova sint semina, seminaque vice versa sint ova, neminem hodie dubitaturum crediderim, postquam illi, qui sexus plantarum examinaverunt, suis in medium protulerunt demonstrationes; videatur *Wahlbohm. Spons. Plant. p. 20. Tab. I. Fig. IV. & V.* OVUM, e gr. Gallinæ, constat 1:0 *Testa & Membranis*, 2:0 *Albumine*, 3:0 *Vitello*, cui 4:to *Corculum* seu *Punctum vitæ inclusum* hæret, adeo ut Vitellus placentæ uterinæ, Albumenque potui inserviat. *Ranarum* autem ova, Tunicis carent; *Piscium* ova *Albumine* destituta sunt; Vitellum autem apud omnes reperimus, nisi quod nonnulli Vermes forte fetus suos sine hisce excludant. Ita etiam constructa sunt SEMINA Plantarum; nam *crustam*, sive tunicas obvestientes habent; nullum tamen albumen in illis adest; loco autem vitelli *Cotyledones* obtinent, quæ parvum illud *Corculum* nutrient.

PISI semen proferamus exempli loeo, quod, si in aquam tepilam, vel humum madidam immittatur, ita tumere incipit, ut *Membranæ* rumpantur ambo *Cotyledones* intumescant, qui cum parvo *Corculo* connecti sunt, cujus exterior *mucro* in terram descendit,

ut ex illo fiat *Radix*, interior autem *Plumula*, a qua ex crescens planta, dudum in foliola divisa esse videtur.

COTYLEDONES succum haurire debere, ejusque ope teneram nutriti plantulam, luculenter videamus, quia si Cotyledones arescant, arescit etiam ipse Embryo plantæ. Est itaque officium Cotyledonum, sufficienti humore Embryonem plantæ beare, ne arescat atque emoriatur. De cetero conservant Cotyledones plantulam illam seminalem, sive Plumulam, quamdiu in semine suo latet, a calore frigoreque, non aliter ac Gemmæ arborum vel Bulbi radicum; Quod luculenter in *Ceratocarpo* videri potest, ubi Embryo semini suo inclusus est, & totum semen, membrana sua cinctum, quasi in humore natat, ne æstate, humore privatum, exsiccatur.

### §. IX.

Ex dictis (§. VIII.) eam de seminibus animo formamus notionem; omnia nempe suos possidere Cotyledones, qui primum humorem plantæ addent, illamque ab injuriis aëris defendant; qui vero cotyledones ne arescant, solida illos texit membrana summus & prudentissimus Opifex. Hæc sententia in caussa fuit, quod semina in Muscis visa non fuerint.

Musci omnes, eandem habent proprietarem ac *Anastatica* s. *Rosa de Hiericho* quod nempe constringuntur cum arescant, quam primum autem aqua imbuuntur, statim expanduntur; Quid? quod, æstate licet Musci arescant, revirescant tamen, reviviscunt, crescentque, quam primum imber, vel humidus autumnus, gelidaque hiems instant, quam ob caussam merito inter Plantas hemales, ab auctoribus annumerantur. Omnibus seminibus insunt Embryones, Plumula, seu minima planta in compendio (§. præc.), ita ut Essentia Ovi in corculo consistat; reliquæ autem partes se-

minis, adminicula tantum sunt, quæ corculum conservant, succumque illi ex initio parant. Cum musci siccitate non emoriantur, siquidem ad instaurandam suam vitam, humorem tantum requirunt, opus non fuit Summo Creatori Cotyledonibus illos instruere; neque tunicis seminum propriis indiguere, cum, ut antea dictum est, ariditas nihil detrimenti iis afferre possit. *Semina itaque muscorum, tanquam NUDA CORCULA, sine Cotyledonibus, sine Tunicis, animo concipienda sunt.*

Quod vero res ita se habeat, id ex dicto Lycopadio (§. VII.), reliquisque Muscis luculenter demonstratur. Flos autem obscure nobis percipitur, cum nullum *Stylum*, nullumque *Stigma* habeat. Si oculos nostros in majora vegetabilia convertimus, reperimus, e. gr. in Amygdalo vel Papavere, Pollen in madida decidere *Stigmata*, ibi dissilire & atomos subtilissimos efflare, qui Stylos colorant usque ad Germina, quibus Semina, uti illis Corcula, insunt; quomodo autem ulterius accidat, adhuc ignoramus; adeo ut stylus non immediate ipsi plantulæ seminali, licet semper Germi- ni, infideat e). In *Parnassia* florescente, nulla evi- dentia stigmata adsunt, sed Germen, absque stylis aut stigmatibus, hians foramine in ejusdem apice, per quod pollen decidit, cum antheræ ipsum tangant fo- ramen, adeoque immediate in ipsa rudimenta Semi- num pertingit.

#### §. X.

A præcedentibus perspectum habemus, quod pal- vis in capitulo muscorum sit Pollen masculus (§. 6.);  
quod

e) *Occultavit in omni animali & in omni planta generationis actum, sed in solis Muscis & Algis nu- dum eundem depositus, quod Lynceis aliquando multa ar- cana revelabit.*

quod parvæ illæ propagines Muscorum sint semina, vel Plantulæ seminales decorticatæ & Cotyledonibus destitutæ (§. 7), adeo ut, cum omnes Musci sua habeant capitula pollinifera sive antheras, ita necessario flosculis suis femineis, sive feminibus gaudere debeant (§. 6), seminaque hæcce mere nuda, quod tamen omnium reliquarum Classem seminibus contrariatur (§. 9); Ita ut in muscis nullum inveniatur Pistillum, Stylo & Stigmate ornatum; Quid? quod nullum Germen, Pericarpium aut Tunica seminis adest; sed locum illius tenet Embryo seminis nudus & decorticatus, quod in nullo alio vegetabili antea visum est; adeo ut Pollen immediate in ipsum Embryonem plantulæ agat. Scimus itaque nunc quid sint Flores Masculini (§. 6.) & Feminini (§. 7.) in muscis.

*POLYTRICHUM vulgare* Fl. Sv. 868. quod Capitulum vel antheram habet, Mas salutabitur; quod autem *Stellulas* gerit terminales, Femina est; adeo ut hæ stellulæ, nihil aliud quam primordia muscorum contineant, quæ semina illorum sunt, atque ab aëre seruntur.

*BRYUM* etiam in distinctis individuis *stellulas* femineas gerit, vid. *Dillenii Bryum* 71. k. 76. e. 77. e. 81. b. l. 68. e. &c.

*MNIUM* omne luculentius hoc indicat, ubi *stellulae* vel flores feminei pedunculo elevati sunt, atque capitulum pulverulentum representant, ubi unaquæque particula pulveris, absolutum est semen.

*HYPNUM* magis quidem obscurum est, nihilo tamen minus tales propagines etiam in illo reperiuntur. *Præsto* sunt gemmæ in foliorum alis, in multis *Hypni* speciebus, nude etiam oculo, observabiles; ut verbis utar *Dillenii* ad introit. hist. musc. p. 14. Et hæ Gemmæ sunt veri flores feminini. Illas sine dubio

reperiemus, cum illos muscos adeamus, quorum semina adhuc non sunt detecta, modo ut velis remisque operam navemus. Nam cum sententia hæc, de seminibus decorticatis, nova sit, non potuerunt Botanici indagare semina vel flores feminineos, quæ ignorarunt, & in alis foliorum sessilia pro squamis, foliolis seu fulcris habuerunt.

ALGÆ ordo easdem leges etiam servat, qui ope Jungermanniarum & Mniorum cum muscis connectitur, quod liquet a Dillenii *Mnio* 5. & 6, collatum cum *Lichenastris imbricatis*, quæ in Jungermannias acaules, *Marchantiæ* similes, desinunt, ita ut MARCHANTIAE capitula stellata, calycibus suis communibus, & *flosculis masculis* monopetalis monandris gaudeant; Flores autem *Feminini* sint parvi illi Calyces campanulati, qui foliis insident, sessiles, in fundo squamis minimis repleti, quæ vera sunt semina absque tunicis aut cotyledonibus d). LICHENUM peltæ, nihil aliud sunt, quam flores *Masculini*; flores autem *Feminini* adhuc detecti non sunt, quamvis sæpe haud aliter ac farina Lichenibus imbricatis & foliaceis insideant, eorumque superficiem tegant. Natura evadit tandem tam simplex sæpe, ita ut in muscis plerumque stamina cum antheris, absque Calyce, absque Corolla, & absque Filamento sunt, uti in *Lycopodiis*. In *Polytricho* invenimus Antheram, operculo atque *Calyptra* tectam. In Floribus feminineis, vix ulla, uti in ceteris floribus adest pompa. Simplex Calyx e) Embry-

d) Qui velit intueri nudam fœcundationem seu actionem geniture in punctum vitæ, hoc in *Marchantia* poterit, ubi nec stigma, nec pericarpium, nec seminis cortex aut cotyledones, sed nuda vita stamina; quod in nullo animali, in nulla planta antea visum est.

e) Calycem fieri ex approximatis foliis, docuit Cel.

bryones suos, sine placenta, sine amnio, sine ovario; quid? quod sine Stylo & Stigmate producit; in ipsis autem Marchantiis & Lichenibus, Corcula tantum seminum apparent, in simplicissimis plantis, ubi radix, caulis, folia, rami, flores, vix distincta sunt; itaque si natura, eodem modo, minimis in animalculis, *Lerneis*, *Hydris*, similibusque agat, non mirabile est, si generatio illorum obscura nobis obveniat.

Heic autem occurrit observatio, digna valde, quæ commemoretur, nonnulla nempe Lycopodia existere, semina magis perfecta habentia, ut LYCOPODIOIDEA *Dillenii*; sed hæ species, eam non habent vim, ut in aqua virescere possint. *Lycopodioidis species minus ac alii musci in aqua elasticæ observantur*, teste ipso *Dillen.* in hist. musc. 473. *Selaginoides Dillenii* Fl. Sv. 863, a Lycopodioide ejusdem amplius distinctum non erit, postquam Celeb. PRÆSES etiam in hac specie Antheras detexit f). Sed de hisce seminibus v. d. alio tempore plura.

### §. XI.

Postea quam viderimus, quid semina in muscis sint, reperimus quoque flores; videmus etiam Stellas Polytrichi & capitula pulverulenta (quæ eadem sunt cum stellis, quamvis magis elevata) Mnii, quoque unum idemque esse, nempe flores femineos aggregatos. Itaque luculenter patet, novam dispositiōnem Generum in ordine Muscorum facillime exarari posse ex. gr.

**POLYTRICHUM.** *Anthera calyprata*, basi apophysi insidens;

*Flores Feminei* aggregati.

BRV-  
PRÆSES in Diff. Læflingii de Gemmis, sub problemate  
prefixo.

f) Flor. Svec. 863.

## SEMINA MUSCORUM.

MNIUM. *Anthera calyprata* sine apophysī;  
*Flores Feminēi* aggregati.

BRYUM. *Anthera calyprata* sine apophysī;  
*Flores Feminēi* solitarii, sparsi.

HYPNUM. *Anthera calyprata* sine apophysī;  
*Flores Feminēi* solitarii. (&c.)

FONTINALIS. *Anth. calyprata*, basi cincta perichætios  
*Flores Feminēi* - - -

SPLACHNUM. *Anthera nuda* apophysī membranacea;  
*Flores Feminēi* aggregati.

SPHAGNUM. *Anthera nuda* ore integerrimo;  
*Flores Feminēi* sparsi.

PHASCUM. *Anthera nuda* ore ciliato, sine apophysī;  
*Flores Femini* sparsi.

PORELLA. *Anthera poris* variis pertusa;  
*Flores Feminēi* - - -

Sic itaque in generica dispositione Dilleniana re-  
ferrem

*Polytrichum* omne, absque apophysī stellisque, ad  
BRYA, cum pilositas calyptræ mihi non sufficiat pro  
charactere generico.

*Brya stellaria*, quæ gradu tantum a capitulis pul-  
verulentis differunt, suscipiteret MNIUM.

*Sphagnum* dimitteret omnia PHASCA, quæ an-  
theræ aperturam integerrimam non habent, nam hoc  
est genus naturale. *Sphagnum* etiam Fl. Sv. 865. in  
quo *P. Löfing* calyptram nuper observavit, Brya in-  
traret.

### §. XII.

HILLIUS in Act. Angl. 1746. v. 44. n. 478. p.  
60. Flores & Semina Muscorum in Hypno Fl. Svec.  
882. Dill. 59. detegere allaboravit; statuit enim capi-  
tulorum Cilia esse Stamina, Columellam Pistillum, Fa-  
rinam Semina, sed hæc, quæ vidit oculis quidem Lyn-  
ceis at non Botanicis, ex dictis per se cadunt.

8 SEMINA MUSCORUM.

§. XIII.

USUS seminum Muscorum in Oeconomia procul dubio magnus erit; Ante hoc tempus nullus potuit semina Muscorum serere in hortis vel in campis. Musci in ollis & testis Hortulanorum usum insignem præstant, & eundem quem in campis, putrida auferendo, absorbendo. Qui poterit *Bryum rurale* Fl. Sv. 900. in tectis paleaceis serere, ille etiam efficere valet, ut tectum quod vix decem annos duraret, Bryo hoc vestitum, seculum ferat. Muscis tecta terra, quæ omnivere solet effervesce (ut vulgo dicitur), vel potius radices evomere, non amplius hunc abortum patiatur, sed concreditas plantas arcte retineat. Muscos rarissimos & Indicos, detectis seminibus, post viginti annos, forte videbimus in curiosorum & Botanicorum hortis satos, pulchre vigentes, beneficio artis antecessoribus denegato.

§. XIV.

Sic jam, L.B. Semina Muscorum, tam nuda quam reapse sunt, cum a plantis suis decidant, protuli; sœpe ita parva sunt, ut oculis cerni non possint; frustra ideo illa quæris, si existimes, ea arctissimo compendio, intra membranam inclusa esse; eamque ob causam, ab aëre facilime circumferuntur, cum neque cotyledonibus, neque membranis onusta sint. Truncis lapidibusque facilime adhærent, & minimis in angulis maxime se insinuant hæ nudæ seminum Plumulæ malpighianæ. Videbis illa primum ex crescere, dum pluvia ceciderit, illaque optime vegetare, dum alii cessarunt. Existimamus nosmet primos fuisse, qui oculis Tuis ea subjecerimus. Si primo huic operi meo favreas, illudque serena excipias fronte, pollicor met plura olim de seminibus Muscorum fore in medium prolatum. *Quis magnificet Deum prout est?*

*Multa abscondita sunt, pauca vidimus ex operibus illius.* Syrach. XLIII. 36.